



Universitätsbibliothek Paderborn

Vitae Sanctorvm

complectens sanctos Mensium, Aprilis, Maii & Ivnii

Lippeloo, Zacharias

Coloniae Agrippinæ, 1603

Vita S. Sampsonis, Hospitvm Exceptoris, ex ea, quæ est per Metaphr.
Docet aut[...] Baro. ne quoqua[m] eum sub Iustiniano Imp. vixisse, quem
admodu[m] in eius actis legitur: sed multo ante te[m]pora ...

urn:nbn:de:hbz:466:1-42716

Vide Bar. in
no hoc die.

VITA S. SAMPSONIS, HOSPITVM EXCE-
ptoris, ex ea, quæ est per Metaphr. Docet aut Baro. nequa-
quæ eum sub Iustiniâno Imp. vixisse, quem admodum in eius
actis legitur: sed multo ante tempora Iustini. vita factum esse.

27 Iunij.

Patria & pa-
rentes eius.

Studet me-
dicinæ.

Totum se ad
pauperes
subleuan-
dos confert.

Abit Con-
stantinopo-
lim.

Magnus hic Sampson, fama rerum gesta-
rum toto orbe celeberrimus, Romanis
parentibus & generis dignitate & diui-
tiarum gloria ortus est præstantissimis. Cùm aut
insita naturæ generositate, ardua quæq; summo
studio consecranda sibi proponeret, animum in-
primis ad perfectâ diuinarum humanarumq; rerum
cognitionem applicuit; deinde pari diligentia
artem medicinæ consecutus est, non tam ad quæ-
stum, quàm ut ea morbidis & calamitosi, pro in-
sita sibi humanitate subueniret. Sed cùm paren-
tes tam humili abiectoque officio, notâ ignomi-
niæ sibi totique familiæ irrogari putarent, eum
multis modis à tam præstati charitatis officio im-
pediebant, prorsus ut vir sanctus non nisi furim
ijs rebus operam dare posset.

Postquam verò parentibus è vita sublatis, li-
beram rerum suarum administrationem obtinuit,
nulla interposita mora, totum se suaque omnia in
pauperum curâ studiumque trãtulit. Et primo qui-
dem seruorum greges libertate donatos, opibus
& consilio iuuuit, ut perfectâ etiam in Christo li-
bertatē consequerentur: Deinde patria relicta,
& maxima diuitiarum copia in pauperes benignè
admodum distributa, diuino haud dubiè numi-
ne impulsus Constantinopolim abiit, vbi incre-
dibili benignitate omnibus egenis & malè affe-
ctis domum suam aperuit, cibum potumque ministra-
uit, & singulari industria morbidos curauit, nec
desuit paulò post admiranda miraculorum vir-
tus, qua mira facilitate, quos humana industria
non

nō poterat, gratia diuina sanabat. Cū aut̄ tam excellēs in omni genere virtus nequaquam ob- scura esse posset, tum ad ipsum Pontificem Me- nam, qui sedem illam tūc temporis administra- bat, fama illius peruenit: qui protinus virū san- ctum annos plus minus 30. natū, sacerdotio ini- tiauit, vt maiori tum auctoritate male affectas animas, similiter ad sanitatem adduceret.

Fit Sacerdos

Interea Imperator, qui graui vlcere vesicæ la- borabat, cum ab inanibus medicorū promissis frustra diu sanitatem sperasset, tandem ope hu- mana planē destitutus, ad diuinum tota mente auxilium cōfugit: & ecce leni sopore oppressus, inter medicorum turbas, vidit virū quendam insigni morum honestate ac granitate præditū, qui certissimam ei salutem spondebat. Mane fa- cto, diligentissima medicorū omniū habita in- quisiōne, tandem inuētus est Sampson, qui for- mam ab Imperatore visam, toto corporis habi- tu ad amissim exprimebat. Tum verò Impera- tor incredibili gaudio exultare, & certa de Sā- psonis virtute concepta fiducia, virum sanctum orare atque obsecrare, vt sacræ manus suæ con- tactu dolorem pellat, & integram, quæ ei in vi- fu promissa erat, sanitatē reddat. Recusauit pri- mō Sampson, multis se peccatis obnoxium, nec vllā virtutum præditum clamitās. Sed cū Im- perator instaret, & precib. vim propē inferret, vir sanctus cōsuetā pietate permotus, manu sua morbum pepulit: in quo innumerabilis medi- corum turba curando, frustra diū multumq; de- sudauerat. Imperator verò tātā in viro sancto virtutē sine fine admirans, vt acceptum benefi- cium immortalitati consecraret, ædem hospiti- alem sanē celeberrimam domui ipsius Sampso-

Sanat Impe- ratorē Sam- pson contas- tu manus suæ.

Xxx 3

nis

Insp. extruit
de mum ho-
spitale.

nis contiguâ extruxit, eamq; viro sancto tradi-
dit, & donis & muneribus & possessionib. am-
plissimis ornauit: quæ omnia Sampson in paupe-
rû & calamitosorû miseria subleuanda egregiè
expedit. Vixit aut in eo pietatis studio, à primis
annis ad decrepitâ vsq; ætatè, tantaq; beneuolè-
tia & cura omniû necessitatè subleuauit, mor-
bos curauit, contagiones ad totius corporis pe-
stè manantes tractauit, vt cuncti eius charitatè
obstupescerent, & ardens benignitatis studium
sine fine mirarètur. Postquâ verò ætatè hoc mo-
do & in Dei seruitio, & proximorû cura assidua
præclare expendisset, cû admiranda pietatis si-
gnificatione, & clarissima opinione sanctitatis,
vltimum vitæ actû absoluit, lætulq; è corporis
vinculis in cælos immigrauit. Quàm multis aut
clar^o fuerit miraculis, nò in vita solû, sed multò
etiâ magis post mortem, nullis verbis explicari
potest. Et primùm quidè hoc constat, illius vir-
tute horrificum illud incendiû, quo Sophiæ tē-
plû Constantinopoli vnum omniû celeberrimû
conflagrabat, restinctum fuisse; cum scilicet vir
sanctus à viris quibusdam, per tecta discurrere
visus sit, flammalq; manu submouere; itâ vt cun-
ctis stupentibus, domus sacra prorsus illæsa ma-
neret. Fuit autem non solum in vita pauperibus
& calamitosis beneficus, sed multò etiam magis
post mortem; quando multos varijs ægritudini-
bus detentos, & spe vitæ destitutos sanauit, &
plurimis secundum quietem apparens, in rebus
deploratis opem tulit.

C Bar. Ann.
tom. 2.

MART. SS. PLYTARCHI, SERENI, HERA-
clidis, Herois, item alterius Sereni, Potamiæna, &c. Ex
hist. Eccles. Eusebij Cæsar. lib. 6. c. 4. Passi sunt circa annû
Domini 205. sub Severo Imperat.

Cum